



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinae, 1603

Certamen S. Victricii Militis; postea Episcopi Rothomagensis; quod subijt anno Salutis 362. sub Iuliano Apostata Imperatore: Ex ijs quæ S. Paulinis Nolanus, in epistola secunda ad ipsum scripta ...

urn:nbn:de:hbz:466:1-42728

suam rem suam omnem tanto animi dolore perdidit, ut desperatione fractus huc illuc circumcurfaret, ac tandem ad beatissimæ Virginis & S. Alberti imagines veniret. Eas vultu admodum toruo intuitus, tandem ait; Toties te, ô Alberte, inuocaui, & semper mihi duras aures occlusisti, neque vllam extremis necessitatibus meis vnquam consolationem attulisti. Et tu Maria, quæ mater gratiæ diceris, quæ hæc tanta tua est crudelitas, ut semper inuocantem te repellas. His dictis, arrepto gladio vtriusque imaginem diffecit; è quibus mox sanguinis riui copiose defluerunt. Ea res puero procul stanti ut innotuit, sublato in sacrilegum clamore turbas ciuit; sed homo ille nefarius vix templi limen prætergressus, fulminis ictu prostratus est, animamque in foelicem reddidit.

*Præclarum
miraculum.*

CERTAMEN S. VICTRICII MILI-

*tis; postea Episcopi Rothomagensis; quod subiit
anno Salutis 362. sub Iuliano Apostata Imperatore: Ex ijs quæ S. Paulinus Nolanus, in epistola secunda ad ipsum scripta præclarè replicat. Adscribitur hic, in tabulis Episcoporum Rothomagensium, ordine octauus. Claruit in Episcopatu Anno Dom. 404. sub Innoc. Papa.*

*Vide Tomo
4. & 5. An-
nal. C. Baron.
& Notat. in
Martyrol.
Romanum.*

GRATIA illi & gloria, qui opera manuum suarum nunquam omittens, omnem hominem ad veritatis agnitionem vult venire. Sed quibus te itineribus omnipotens ille & misericors ad viam suæ veritatis adduxit, ô Victrice? Carnalibus munijs ad spiritalia suæ virtutis instituens, creauit initio militem,

*7. August.
1. Timoth. 2.*

Cc 2

quem

*Victricius
primo miles
inde anti-
stes.*

*S. Victricius
proiecit arma
militiæ ad
pedes Tribu-
ni.*

*Acerbissime
verberatur.*

*Carnifex cū
ferire volēs,
cæcitate per-
cutitur.*

quem postea elegit antistitē; & passus est te mi-
litare Cæsari, vt Deo quandoq; militare disce-
res; vt dum labore castrensi corporis robur ex-
erces, spiritualibus te prælijs roborares. Quod
diuinę prouidentię circa te fuisse consilium, in-
gens postea exitus tuus à malitia, & ingressus ad
fidem, docuit. Cū primò Christi amore accen-
sus, per insignem cōsilio militari diem progres-
sus in campū es, toto illo, quem iam antè mēte
respueras, muniminum bellicorum præcinctus
ornatu, cunctis admirantibus accuratissimos in
te habitus ac terribiles apparatus, repentē ob-
stupefacto conuersus exercitu, ante pedes sa-
crilegi Tribuni militiæ sacramenta, arma, in quā
sanguinis abiecisti, vt armis pacis indutus Chri-
stum profiteris. Et ilicò antiqui serpentis inui-
dia concitatus in furias Tribunus, districtis te
verberibus mactauit, vastisque fustibus fractum
sanguinolenta sumere arma voluit. Sed tu, qui
Crucis ligno innitebaris, nunquid fractus suc-
cubuiisti? Imò mox acuto testarū fragmine cor-
pori substrato, geminata poena exultasti, & per-
cussorem tuum carnificem sacra victima seque-
do, quanta in Christo tibi fiducia reposita erat,
egregiè declarasti. Sed ò ineffabilis Christi bo-
nitas, quanta tu benignitate, quanto amoris af-
fectu tui amantes prosequeris. Carnifex mente
furibunda ceruicem tuam insultans violare co-
nabatur, & is ilicò cæcitate percussus, non mo-
dò ceruicem sed nec ipsum quidem gladium in-
uenire poterat.

Sed ideò ille cæcitate percussus est, vt multi
illuminarentur; & ipse etiam, qui oculos carnis
amiserat, lumina mentis acciperet. Quid in-
terim?

terim? Ferrea, quibus constrictus tenebaris, vincula, diuina virtute disrupta sunt, & catenæ, stupescens ceræ instar de manibus tuis defluerunt. Quo miraculo satellites turbati, ad Comitem pauidi cucurrerunt, & stupendam meritò virtutem retulerunt. Et quid Comes? Mox, qui persecutor Christi in primis extiterat strenuus, factus est eiusdè prædicator egregius: prorsus, vt quos sæuiens prædamnarat vt reos, laudans ilicò emitteret vt sanctos. Sunt hæc, ô Victrici, Victricia sanctitatis tuæ signa, quibus & inimicum conculcasti, & Christi inimicos potenti virtute, Christi tamen gratia, à perfidia & scelere ad vitam salutis deduxisti.

Ferrea martyris vincula rumpuntur.

Comes conuertitur ad Christum, & victos omnes dimittit.

MARTYRIVM SS. CYRIACI ET SISI-

nnij diaconorum, ac sociorum. Item certamen

S. Marcelli Papæ: Ex ijs, quæ habentur in V. P. vide Tomo Suriy Tomo 1. Passi sunt circa annum Domini 2. & 3. An. 303. & 309. sedente Marcellino & Marcello nal. C. Baron. Roman. Pontificibus, sub Maximiano & Maxentio eius filio.

MAXIMIANVS cum de partib. Aphricæ Romam redisset, vt summam apud Diocletianum Augustum iniret gratiam, statuit nomini eius thermas ædificare; qui honoris titulus magno apud gentes in precio erat. Itaque cum vndiq; operas cogeret, inueterato quodam in Christianum nomen odio, milites omnes tam Romanos quàm externos Christianos ad laboris afflictionem cõpulit, locaq; per varia, alios fodiendæ arenæ, alios portandis lapidibus

8. August. Maximianus Diocletiano thermas ædificaturus Christianos dire affligit.